

# **MAJLIS ZIKIR PERDANA SEDUNIA 2017**

**30 JULAI 2017, 4.30 PETANG – 10.00 MALAM**

**MASJID PUTRA, PUTRAJAYA**

Pertubuhan Tarekat Muktabar Malaysia (PERTAMA) merupakan sebuah Badan Bukan Kerajaan (NGO) yang secara sah telah didaftarkan pada 9 September 2015. Antara Visi dan Misi PERTAMA adalah mengurusperdanakan peranan tarekat tasawuf dalam pembangunan negara.

Selaras dengan Visi Dan Misi PERTAMA, pada 7 November 2015 PERTAMA telah menganjurkan Majlis Zikir Perdana Dan Perasmian Pertubuhan Tarekat Muktabar Malaysia di Masjid Putra, Putrajaya. Perasmian ini telah disempurnakan oleh wakil YAB Dato' Seri Dr Ahmad Zahid Hamidi, Timbalan Perdana Menteri merangkap Menteri Dalam Negeri. Pada Tahun 2016, PERTAMA sekali lagi telah menganjurkan Majlis Zikir yang dinamakan Zikir Perdana Sedunia 2016 dengan bertemakan Islam Is Peace. Penganjuran Zikir Perdana kali ke dua ini dianjurkan pada 21 Mei 2016 di Masjid Putra, Putrajaya dengan dirasmikan oleh YAB Dato' Seri Dr Ahmad Zahid Hamidi, Timbalan Perdana Menteri merangkap Menteri Dalam Negeri.

Majlis Zikir dianjurkan secara besaran ini bertujuan untuk mewujudkan satu fenomena kepada masyarakat supaya majlis ini menjadi kebiasaan bagi masyarakat mengamalkannya. Terdapat banyak manfaat yang ada di dalam majlis ini, diantaranya masyarakat dapat berkumpul bersama-sama bermunajat dan mengingati Allah SWT.

Daripada Sayyidina Anas R.hu memberitakan bahawa Rasulullah SAW bersabda, "Tidaklah ada sesuatu kaum yang berkumpul lalu berzikir kepada Allah SWT dan mereka hanya inginkan keredaan Allah SWT melainkan mereka akan diseru oleh malaikat dari langit dengan berkata, " Bangunlah! Keampunan untuk kamu dan sesungguhnya kejahatan-kejahatan kamu telah digantikan dengan kebajikan. (Hadis riwayat Ahmad dan Bazzar)

Pada tahun ini, PERTAMA sekali lagi akan menganjurkan Haflah Zikir Perdana Sedunia 2017 yang mempunyai beberapa komponen program. Antara program yang akan dianjurkan adalah Majlis Zikir Perdana Sedunia 2017 pada 30 Julai 2017 bertempat di Masjid Putra, Putrajaya.

Majlis pada tahun ini dijangka akan dihadiri seramai ribuan umat Islam dengan melibatkan kehadiran seramai 150 ulama daripada dalam dan luar negara. Semoga dengan kehadiran dan keberkatan keikhlasan masyarakat yang hadir di dalam Majlis Zikir Perdana Sedunia 2017 ini akan menjadi asbab keberkatan dan limpahan rahmat daripada Allah SWT ke atas negara Malaysia.

